



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Epistola CCXVI. Ioannis Papae VIII. Ad Carolvm Regem. Scribit se literis
eum, vt ad imperium promoueret, ad Vrbem aduocasse, Rauennam vsque
ad eum processisse, sperasseque se auxilium ab eo aduersus ...

urn:nbn:de:hbz:466:1-15967

IOANNIS PAPÆ VIII.
AD CAROLVM REGEM.

Scribit se literis eum, vt ad imperium promoueret, ad Vrbem aduocasse, Rauennam vsque ad eum processisse, sperasseque se auxilium ab eo aduersus Romanæ ecclesiæ hostes recepturum: quæ spes ita eum frustrata est, vt nunquam hostes magis fævierint. petit vt ecclesiæ opem ferat, & dum iter parat, legatos ad se mittat: suoque legatos commendat.

Dilecto ac spirituali filio Carolo glorioſo regi.

Imperator
a Romano
pontifice
eligitur.

QUOD bene vestra regalis cognoscit sublimitas, a longo iam tempore vos pro vtilitate & exaltatione sanctæ sedis apostolicæ matris vestra ad culmen imperii, Deo propitio, volentes perducere, auctoritatis nostræ literis missis vocauimus, ac postmodum præ magnitudine amoris vestri, relicta nostra ecclesia inter fævas hostium non solum Paganorum, sed etiam malorum Christianorum manus, ad vos Rauennam peruenimus: quod nullus antecessorum nostrorum gloriosissimis progenitoribus vestris aliquando fecisse recolitur, sperantes scilicet omnem honorem, pristinumque vigorem sanctæ Romanæ ecclesiæ per vos ad augmentum perfectum perducere, atque inimicorum sanctæ Dei ecclesiæ, & nostrorum ferocem seueritatem omni modo comprimere, facileque superare putabamus. Sed quia de his omnibus nihil apud magnitudinem vestram, vt volebamus, peregimus; reuertentes prioribus peiora reperimus. Nam inimici nostri maiori audacia eleuati, non solum ea, quæ sancti Petri sunt, diripere, sed etiam homines nostros in sua potestate recolligere, & retinere non dubitant. Quapropter fili carissime pro certo scitote, quia nos vestrum honorem & gloriam toto conamine desideramus perficere: & ideo vos ea, quæ vtilitati, & exaltationi sanctæ sedis apostolicæ proficia sunt, pio intuitu, menteque deuota debetis peragere. Vnde obnixe precamur, vt nobis dirigatis Luithbardum venerabilem episcopum, Manigoldum filium Adelberti, &

Adelbertum protopincernam vestrum, qui antequam vos
has in partes veniendi iter sumatis, nos & sanctam matrem
vestram Romanam ecclesiam certificant, & ad vestrum
honorem & gloriam placabiles, & laetos efficiant: quatenus
Deo auxiliante, vobis venientibus Romam, vnum de
pactis, & priuilegia sanctae Romanæ ecclesiæ, more pa-
rentum vestrorum, renouare & confirmare studeatis: &
petimus, vt de hoc, quod pro honore Dei, & sanctæ ec-
clesiæ, seu vestro vos facere monemus, aliquid inimicis
nostris non credatis, neque his, qui magis ea quæ sua sunt,
quam vestram gloriam querunt, eo quod honor & exal-
tatio sanctæ Romanæ ecclesiæ vestra protectio est in om-
nibus, vestraque contra omnes inimicos defensio. Hos
autem missos nostros, Marinum videlicet, venerabilem
episcopum, & arcarium sedis nostræ, atque Petrum æque
episcopum Senogallensem vobis direximus, quos vt be-
nigne recipiatis rogamus, & ea, quæ vobis verbo tenus
dixerint, quasi nobis credere non dubitetis. Data vt supra.

EPISTOLA CCXVII.

I O A N N I S P A P Æ V I I I .

A D E V M D E M .

Dolet se non posse cum eo colloqui. Arnulfum legatum
ad eum mittit, petens ne Romanam ecclesiam ab hosti-
bus lædi patiatur, ideoque eius legatum cum Arnulfo
ad se mitti iubet.

Dilecto ac spirituali filio Carolo glorioso regi.

AV DIVIMVS quod debeatis nunc Alpes transire, atque
cum carissimo fratre vestro communi eloquio frui:
vnde valde turbati existimus, eo quod secundum commu-
ne placitum, sperabamus nos vobiscum simul conuenire,
& magnum ac proficuum opus exaltationis sanctæ Ro-
manæ ecclesiæ matris vestræ, vestrique honoris, & totius
terrae sancti Petri salutis peragere. Idcirco direximus vo-
bis hunc carissimum nepotem nostrum Arnulfum delicio-
sum consiliarium nostrum, per quem vestræ regali sugge-
rimus magnificentia, vt nullo modo prætermittatis ita or-
dinare, atque disponere terram sancti Petri; quatenus fal-